

# DISSERTATIO

INAUGURALIS MEDICA,

SISTENS

## OBSERVATA IN CLINICO

MEDICO PRO MEDICIS

REG. SCIENT. UNIVERSITAT. HUNGAR. SEMESTRI  
ALTERO ANNI 1829 COLLECTA,

QUAM NUTU ET AUCTORITATE

MAGNIFICI DOMINI

PRAESIDIS ET DIRECTORIS,

SPECTABILIS DOMINI DECANI

NEC NON

CLARISSIMORUM D. D. PROFESSORUM

PRO DOCTORIS MEDICINAE LAUREA

RITE CONSEQUENDA

IN ALMA AC CELEBERRIMA

R. SCIENTIARUM UNIVERSITATE

PESTIENSI,

PUBLICAE DISQUISITIONI SUBMITTIT

*JOSEPHUS BRAÜER,*

ARTIS OBSTETRICIAE MAGISTER,

ET IN REG. SCIENT. UNIVERSITATE PESTIENSI PROFESSORIS  
PRAXEOS MEDICAE PRO MEDICIS H. T. ASSISTENS.

---

IN THESES CALCII ADNEKAS PUBLICE DISPUTABITUR IN AEDIBUS  
FACULTATIS MEDICAE. DIE 23. DEC. 1830.

---

PESTINI,

TYPIS JOSEPHI BEIMEL, TYPOGRAPHIAE STRIGON-  
NIENSIS ET UNIUS E PESTANIS PROPRIETARII.

**Qui bene distinguit, bene medebitur.**

PERILLUSTRI CELEBERRIMO  
INTEGERRIMO DOCTISSIMO  
MAGNIFICO DOMINO

**MICHAELI A LENHOSSÉK,**

MED. DOCT. I. REGNI HUNGARIAE PROTOMEDICO, S.  
CAES. ET REG. APOST. MAJEST. AD EXCELS. CONSILIUM  
REGIUM LOCUMTENENTIALE HUNGARICUM A CONSILIIS  
I. ORD. R. SVECICI GUSTAVI VASAE EQUITI. FACULTA-  
TIS MEDICAE REG. SCIENT. UNIV. PESTIENSIS PRAE-  
SIDI, ET STUDII MEDICO-CHIRURG. DIRECTORI, FA-  
CULTATIS MEDICAE CAES. REG. SCIENT. UNIVERSITA-  
TIS VINDOBONENSIS, ET ACAD. MEDICO-CHIRURG. JO-  
SEPHINAE, NEC NON R. BRITANN. SOCIETATIS SCIENT.  
GÖTTINGENSIS, MEDICO-PHYSICAE ERLANGENSIS, ME-  
DICO-CHIRURG. ACADEMIAE NEAPOLITANAE, BEROLI-  
NENSIS, CAES. PETROPOLITANAE ETC. MEMBRO,  
PLURIMUM II. COMITATUUM TABULAE JUDICIARIAE  
ASSESSORI etc. etc.

**V I R O**

**SCIENTIA MERITIS AC VIRTUTIBUS**

**ILLUSTRI**

**SUPREMO. SALUTIS. GENTIS PANNONICAE. VIGILI**

**PRINCIPI. CIVIBUS. CARO.**

**SUO. PIE. VENERANDO. FAUTORI**

**IN PERPETUUM ANIMI TENERRIMI GRATIQUE TESTIMONIUM**

**HASCE TENUES PAGELLAS SACRAS VULT**

**D. D. D.**

**Devotissimus**

**Auct or.**

## Pr o æ m i u m.

**H**aud a re alienum me facturum ipse mecum deliberaveram, si innixus argumentis, viam calcitratam plurium Cl. D. praedecessorum meorum ingressus fuero; et observata Clinica communi labore sub auspiciis eruditissimi ac experientissimi Viri facta, publici juris tenui hoc opusculo fecero. — Etenim quanti Experientia in arte nostra certe saluberrima habenda, viri CC. omnis aevi perspexerunt, et perspiciet omnis artis hippocraticae Minister verus; ex ea enim haurimus remediorum in organismum, et hujus ad illos relationem, ex illa nobis character morborum regnans, factor certe non exiguus in Medicina, patet; his accedunt argumenta non pauca a viris CC. prolata, quibus hic ne nimius sim supersedere oportunum esse

duxi. — Ubi vero exactius, ubi penitius haec hauriri potest quam in loco, ubi penes multitudinem objectorum observationi certe non parva datur occasio, ubi penes tantum campum observationum, et curata eorum fit connotatio. Si igitur opusculum iis, qui non majorem quam ego hauserunt observandi occasionem aliquam saltem utilitatem attulerit. Illi vero, qui artis jam periti sunt, illud non reprobraverint, me scopum meum attigisse lubens declaro.

---

# Conspectus generalis

status Nosocomii Quimestri altero anni 1829.

Nomen morborum.	Residui e 4-o Quimestri	suscepti	sanati	emendati	mortui
Febris . . . . .	9	44	52	—	1
Inflammationes . . . . .	3	16	18	—	1
Exanthemata . . . . .	1	4	4	1	—
Cachexiae . . . . .	1	4	3	1	1
Profluvium . . . . .	—	1	1	—	—
Nevroses . . . . .	1	2	1	2	—
Summa	15	71	79	4	3

## Conspectus morborum et curae contra eos adhibitae specialis.

### A p r i l i s .

Temperatura atmosphaerae in genere hoc mense frigida erat; plurimi dies erant ventosi. Perfecte serena dies nulla erat; pluviae novem diebus cecidere.

Maximum Barometri	27''	4'''	(20 27°)
Minimum	-	26''	7''' (1)
Maximum Thermometri	+	16°	3' R. (25)
Minimum	-	+	3° 3' R. (29)

Morbi plurimi hoc mense observati erant febres gastrico catarrhales, et febres intermittentes, caractere ut observationes in et extra nosocomium factae testantur inflammatorio decurrentes. Illae praesertim extra clinicum emeticis aut purgantibus tractatae, facile in statum adynamicum saepe lethalem transiere. Hae methodo mitiori antiphlogisticae, aut pulv. florum Cham. vulg. obtemperarunt, raro efficaciorum remediorum actio succurrere debuit.

---



Nomen morbi.	Residui e Mortuo	suscepti	sanati	emendati	mortui	remanent
Febris gastrica . . . . .	2	1	2	—	—	1
Febris rheumatica . . . . .	1	3	2	—	—	2
Febris rheumatico catar- rhalis . . . . .	1	—	—	—	—	1
Febris gastrico catarrha- lis . . . . .	2	2	4	—	—	—
Febris gastrico catarrha- lis nervosa . . . . .	1	2	—	—	2	1
Febris rheumatico gastrica	—	1	1	—	—	—
Febris intermittens . . . . .	2	4	4	—	—	2
Otitis . . . . .	1	—	1	—	—	—
Gastroenteritis cum hepa- titide . . . . .	—	1	—	—	1	—
Peritonitis . . . . .	—	1	1	—	—	—
Metritis . . . . .	2	—	2	—	—	—
Orchitis . . . . .	—	1	—	—	—	1
Erysipelas . . . . .	—	1	1	—	—	—
Variolae cum psora . . . . .	1	—	—	—	—	1
Cachexia febrilis . . . . .	—	1	1	—	—	—
Syphilis . . . . .	1	1	—	—	—	2
Ishias . . . . .	1	—	—	—	—	1
Universim	15	19	19	—	3	12

## 1) Febris gastrico catarrhalis cum diarrhoea.

Florianus S. annorum 22 habitu tenero praeditus, parentibus sanis natus, pistor sodalis, vaccinatus. In pueritia tinea capitis, et herpette laboravit, autocratia naturae superatis, anno aetatis 20 tussi incipit vexari, quae per vices rediens, ad praesentis usque morbi evolutionem perdurat. 20. Martii post absumptum caseum, et haustam maiori quantitate aquam frigidam, noctu corripitur febrili, cum cephalaea intensa frontali, et sensu ponderis in ventriculo. 21. ad appetitum abolitum restituendum, haurit cerevisiae quantitatem sat magnam; redditur status aegri deterior, lassitudo magna corpus tenet, sitis normali maior fit, alvus quinquies liquida sine levamine deponitur. 22. ob debilitatem incrementem lecto se committit aeger; die impacate transacto, ingruit vesperi exacerbatio maior, noctu alvus quinquies subsequitur. 23. statu eodem perdurante aeger in Clinicum suscipitur, ubi sequentia obtulit observanda: dedolationem artuum magnam, pulsum normali frequentiore, plenum, calorem cutis transpirantis auctum; accusatur ab aegro cephalaea frontalis, sapor oris fatuus, appetitus cibi nullus, sitis aucta, et dolor in regione umbilicali; lingua muco albicante tecta conspicitur, tussis rara cum sputis paucis serosis, urina colore profundiore tincta visa, alvus una diarrhoica deposita. Ob haec die 24. praeter vitae regimen antiphlogisticum, interne decoctum althaeae praescribitur; perdurat status idem, alvus octies sine levamine deponitur, vesperi exacerbatio febrilis major, urina aurantiaca. 25. aucto dolore regionis umbilicalis, 12 hirudines eidem regioni apponuntur, haemorrhagia per horam sustentatur, interne eadem medicina continuatur. Imminuuntur ad hanc therapiam dolores, et eodem

passu fere febris decrescit ita, ut vesperi exacerbatio multo minor sequeretur, alvus terna liquida deponitur, urina aurantiaca visa. 26. Decoctum salep cum syrupo papav. albi ordinatur, emendatur appetitus cibi, siti multum inminuta; dolor in regione umbilicali nullus, sudor largus tota die corpus tenet cum levamine, exacerbatio febrilis vesperi minor, alvus bina deposita, tussis rara observatur cum sputis paucis serosis; noctu tamen dolor in regione epigastrica comparet continuus fixus, somnum fugans, cum siti quoque aucta, alvus quaterna diarrhoica sine levamine deponitur. Ordinatur ideo die 27. ut regioni dolenti hirudines 12 apponantur, decocto salep ultro quoque continuato. Hoemorrhagia per horam sustentata dolor omnis cessat, pulsus minus frequens tangitur, calor cutis, sitis quoque minor evadit, tussis rara aegrum vexat, appetitus cibi aliquantum melior se insinuat, vespertina exacerbatione minore subsecuta, nox quoque pacatius transigitur; alvus sexies liquida evacuatur, urina profundius tincta visa. 28-a ob diarrhaeam ipecacuanhae gran. unum cum pulv. gummi arab. et sacharo albo in 12 partes divisum exhibetur, retento decocto salep, sudor moderatus tota die continuat, sitis, calor, pulsus, magis ad normalem statum redeunt, alvus septies deponitur, tussis rara auditur, cum sputis serosis; noctu epistaxis levamen in capite adferens comparet. 29. sub therapia eadem febris symptomata mitissima fiunt, tussis rara cum sputis paucissimis comparet, alvus quaterna diarrhoica deponitur. 30. Therapia eadem continuata, omnia magis ad normalem statum redeunt, alvus tamen terna diarrhoica deponitur. Perdurat haec et die 31-a sub continuatione ejusdem therapiae; ideo 1-a aprilis scopo diarrhoeam sistendi, praescribitur inf. rad. arnicae ad un. octo e drach. duabus cum mucilag. gummi arab., alvus terna liquida deponitur, sudor moderatus continuat, tussis silet. 2-a idem decoctum

e drach. tribus paratum exhibemus, alvus bina evacuatur consistentiae majoris; quae et 3-a ubi eadem medicina repetitur, continuat; ideo 4-a eodem scopo laudani puri et ipecacuanhae aa gr. unum cum pulv. gummi arab. et extract. cascarill. aa scrup. semis in pilulas 12 subigi jubentur, quarum illa die sex absumat; sequitur alvus una consistentiae majoris, 5-a et 6-a pilulis tribus per diem sumtis, alvus una parum liquida sequitur, ideo 7-a aeger sine medicina relinquatur, et cum nulla symptomata morbosa observata sunt, die 10. aprilis sanus dimittitur.

## 2) Febris gastrico rheumatica.

J. K. puella annorum 16, habitu bono donata. Variolas naturales in infantia perpessa, catamenia, quae anno 14 comparuerunt, cyclum semper regulariter absoluerunt. — 10. Aprilis post admissum refrigerium persentit symptomata febris, cum doloribus tendentibus, lancinantibus nuchae et colli. Sequentibus diebus perdurat morbus, subsequente semper exacerbatione vespertina, 13-a ob alvum in tertium diem obstipam, a Medico purgans medicina praescribitur, ad quam alvus sexies sequitur liquida, sine levamine. 14-a medicinam diaphoreticam sumit, absque effectu, 15. in Clinicum suscipitur ubi observare licet dedolationem artuum magnam, calorem cutis auctum, pulsum normali frequentiore plenum, cephalaeam intensam imprimis temporalem, dolores tendentes lancinantes nuchae et colli, motum capitis liberum impediens, linguam mucosa albicante tectam, alvum unam liquidam, urinam profundiori colore tinctam, 16-a praeter vitae regimen antiphlogisticum, decoctum hordei cum oxymel-lesimplici ordinatur. Dolores colli minores evadunt, augetur vero cephalaea, sitis, et calor cutis, sudor continuus perstat, vesperi exacerbatio major ingruit,

alvus quaterna liquida deponitur, 17. mane dolores obtusos in toto abdomine accusat, ad adtactum omnem augendos, alvo diarrhoica perstante, praescribitur eidem decoctum salep cum syr; papaveris [albi, dolores abdominis prestant, doloribus colli evanidis, alvus sexies deponitur liquida, vesperi febris manifesta; nocte impacata subsecuta 18. praeter symptomata supra memorata perstantia, linguae siccitas ingruit, simul et vertigo sub situ erecto aegram invadit. Diarrhaea perstante pulveres sex ex opii puri ac ipecac. aa. gr. semis cum sacharo albo exhibentur, suris vero sinapismi apponuntur; continuat tamen febris cum cuti sicca; cephalaea, et doloribus abdominis perstantibus, accedunt his subsultus tendinum, et debilitas muscularis major, alvus terna deponitur, urina profundius tincta. 19. mane sudor largus aegram invadit nullum levamen ferens, dolores abdominis perstant, apponuntur regioni umbilicali 12 hirudines, decoctum vero salep quod et heri repetitum est, denuo ordinatur, sequitur ad haec emendatio, nam cutis de die sicca, vesperi sudore universali largo perfunditur, lingua humida evadit, capitis et abdominis dolores multum mitigati referuntur, alvus terna deponitur liquida. 20. repetitur decoctum salep; ad quod status emendationis heri subsecutus continuat, cephalaea minor, dolores abdominis minores accusantur, vesperi exacerbatio minor, alvus terna liquida deponitur, urina sedimento puriformi instructa visa. 21 aegram emendatam sub eadem Therapia relinquendam ordinatur, effectu eo: ut omnia symptomata morbi sensim inminuerentur, alvus quaterna secuta liquida. 22-a 23-a sub usu ejusdem medicinae morbus magis magisque decrescere observatur, alvus prima die bina altera vero nulla sequitur. 24-a aegra sine medicina relicta est. Die pacate transacta versus vesperras calor cutis parum iterum augetur, pulsus frequentior, sitis major evadit, urina coloris profun-

dioris visa ideo 25. Pul. gummi arab drach una, in aquae dest simpl, unc. sex cum sach. albo aegrae exhibetur, sequitur sudor moderatus, cum inminutione symptomatum febris, comparentque simul miliaria copiosa in abdomine, alvus bina sequitur. Die 23 sub usu ejusdem medicinae omnia ad statum normalem redire visa; quare postquam 27. 28. 29. sine medicina relicta nihil morbosum offerret, die 30. sana dimittitur.

## M a j u s .

Aër toto hoc mense subfrigidus erat, dies perfecte serena nulla observata, pluviae 11 vicibus cecidere, nives una vice quippe 1<sup>ma</sup> observatae. Ventus dominans erat Nn.

Maximum Barometri 27' 7" (24.)

Minimum — 27' 0" (31.)

Maximum Thermometri 17° R. (28. 31.)

Minimum — 4° R. (2.)

Morbi praedominantes hoc mense fuerant febres intermittentes sed mitiores, characterem ut plurimum mitiorem inflammatorum praeseferentes; ideo initio methodo mitiori antiphlogistica tractatae, huic soli duae obediverunt; una decocto rhois contini cum spir: aeth: sulf: sublata exstitit, plurimae cortice chinae brevi debellatae sunt. In uno casu unguentum cum sulfate chinini paratum, et brachijs applicitum, cuti prius per empl. cantharidum epidermide privata, febrim sustulit. Reliquorum morborum quoque ut plurimum character inflammatorius erat.

Nomen morbi.	Residui a mense aprilii	suscepti	sanati	emendati	mortui	remanent
Febris gastrica . . . . .	1	2	3	—	—	—
Febris rheumatica . . . . .	2	—	2	—	—	—
Febris rheumatico catarrhalis . . . . .	1	—	1	—	—	—
Febris gastrico catarrhalis . . . . .	—	1	—	—	—	1
Febris gastrico catarrhalis cum nephritide . . . . .	—	1	1	—	—	—
Febris gastrico catarrhalis nervosa . . . . .	1	—	—	—	1	—
Febris intermittens . . . . .	2	9	8	—	—	5
Pleuroperipneumonia . . . . .	—	2	2	—	—	—
Lienitis . . . . .	—	1	1	—	—	—
Enteritis . . . . .	—	2	1	—	—	1
Metritis . . . . .	—	1	—	—	—	1
Peritonitis . . . . .	—	1	—	—	—	1
Orchitis . . . . .	1	—	1	—	—	—
Variolae cum psora . . . . .	1	—	1	—	—	—
Herpes . . . . .	—	1	—	—	—	1
Hydrops . . . . .	—	1	—	—	—	1
Syphilis . . . . .	2	1	2	—	—	1
Catarrhus bronchialis . . . . .	—	1	1	—	—	—
Ishias . . . . .	1	—	1	—	—	—
Summa	12	24	25	—	1	10

## 1.) Febris gastrico catarrhalis cum Nephritide.

Ludov. K. puer annorum 12, habitus boni, sartor tiro; contra variolas vaccina munitus, morbillos in pueritia feliciter superavit. 8. May e causa sibi ignota corripitur febre, cum anorexia, doloribus sacrolumbalibus lateris utriusque, tum in regione supra symphysis ossium pubis scindentibus, urinae evacuatio cum ardore conjuncta est. Sequentibus diebus aeger officio suo fungi coactus, dedolationem artuum, uti et dolores supradictos increſcere observat, comparatque simul alvus diarrhoica; pharmaco nullo contra morbum utitur, sitim aqua sedat, appetitus prostratus sentitur. Hoc in statu suscipitur in Clinicum die 17. May, ubi observatur: debilitas magna ita, ut aeger vix se sustentare par fuerat, cephalaea frontalis gravativa, pulsus normali frequentior plenus, calor cutis sicce multum normali major, lingua praerubra sicca, muco albo tecta, sitis intensa, appetitus prostratus; accusatur sensus pressivus sub sterno, tussis partim sicca, partim sputis mucosis juncta, dolor in regione renali utraque, ac vesicae urinariae pungens, scindens, sub respiratione profundiori, tussi, et attactu omni illius regionis augendus, urina parca cum ardore evacuat, alvus terrena liquida deponitur, praeterea in toto corpore, imprimis pectore, petechiae copiosae observantur. Nocte impacate transacta 18. morbo phlogistico methodus antiphlogistica opponitur; apponuntur quippe regioni sacro lumbali hirudines 12, interne vero emulsio cannabina sumenda ordinatur; remittunt dolores omnes; pulsus, calor cutis, sitis, cephalaea, magis moderati fiunt, lingua magis humida reperta, tussis inmutata persistit, alvus quina liquida evacuat, urina quamquam parca cum minori tamen ardore mittitur, petechiae in eodem



persistunt statu 19. emulsioni decoctum salep cum  
 syrupo papav. albi substituitur, diacta tenuis con-  
 tinuatur eo effectu: ut symptomatibus reliquis in co-  
 dem gradu perdurantibus, alvus solum terna depo-  
 neretur liquida, et petechiae pallescere; noctu tus-  
 sis major ingruit, comperetque simul sudor mode-  
 ratus universalis, non tamen diu persistens. 20-a  
 sub therapia eadem status reliquus idem est, excepta  
 respiratione; quae brevis, velox anhelosa fit, et ex-  
 cepto dolore sub sterno, qui aliquantum augetur;  
 alvus bina evacuatur, urina pauca flammea obser-  
 vatur. 21. mane sub sudore moderato universali qui  
 se noctu insinuavit, respiratio fit pacatior, et eadem  
 tota die, qua medicina hesternae repetita fuit, per-  
 stat, dolore tamen vix inminuto; lingua humida con-  
 spicitur; sitis minor accusatur, alvus terna deponi-  
 tur liquida, petechiae aliae pallescunt, aliae dispa-  
 rent. 22-a praeter idem decoctum continuandum,  
 cataplasmata emollientia quater per diem pectori et  
 abdomini applicanda ordinantur; sub quorum usu  
 dolores aliquantum mitigati sunt, tussis minus sicca  
 est, sputis mucosis stipata, alvus quaterna liquida  
 cum tenesmo evacuatur, urina cum dolore missa,  
 sedimentum puriforme deponit. 23. sub therapia hes-  
 terna, sudor moderatus corpus universum per vi-  
 ces tegit, symptomata omnia imminui visa, ast dor-  
 lor in regione vesicae urinariae perstat, cum ardore  
 sub urinae evacuatione. Ideo 24. hirudines 6 eidem  
 regioni apponi jubentur, reliquis etiam continuatis;  
 ad quod dolores multum inminuuntur, et cum ho-  
 rum inminutione ipsa urinae evacuatio magis expe-  
 dita fit, alvus bina evacuatur, petechiae plurimae  
 disparuere. 25. 26. et 27. sub usu ejusdem decocti, et  
 cataplasmatum emollientium, dolores omnes, cum  
 reliquis symptomatibus morbosus disparent; solo dor-  
 lore in vesica urinaria sub tussi, quae aliquantum  
 frequentior erat, perceptibili perstante, alvus ad bi-  
 nam per nyctemerum reducitur. 28-a sola tussi,

et dolore exiguo sub ea, in regione vesicae urinariae perceptibili existentibus, aeger viribus naturae committitur, diaeta augetur. Disparent sensim omnia symptomata morbosa ita: ut aeger 31-a sanitati pristinae restitutus, dimissus fuerit.

## 2.) Enteritis.

Elisab. S. annorum 30 habitus boni, caelebs, coqua. Variolas naturales, morbillos in pueritia, febrem nervosam anno aetatis 16. tum intermittentem ante annos tres, isthmitidem bis anno proxime praeterlapso feliciter superavit, auxilio medico suffulta, catameniis semper normalibus gaudebat hucadusque, ultimo ante tres hebdomades fluxere. 20-a hujus refrigerio admissio febrim corripitur, cui se adsociant dolores continui, initio torquentes sensim intensiores, tandem scindentes totum abdomen occupantes; accedit alvus permultis vicibus et liquida evacuat sine levamine, et vomituritio continua. Nocte impacate transacta 21. sumit emeticum, dein infusum ex herbis aromaticis cum augmento morbi, 22. exhibitum decoctum salep dolores mitigat, alvum rariorem reddit, quo in statu aegra eadem die in Clinicum suscipitur; observatur dedolatio artuum summa, calor cutis sicce multum auctus, pulsus frequens contractus; accusatur cephalaea intensa, sitis aucta, appetitus prostratus; lingua muco albicante tecta visa, praeterea conqueritur de dolore summo, constringente, scindente, continuo, fixo totius abdominis, attactu omni, et inspiratione profundiori augendo, alvus septies liquida valde foetida deponitur, urina est coloris profundioris. 23. praeter vitae regimen antiphlogisticum, 20 hirudines regioni umbilicali applicari jubentur, pro usu interno decoctum salep cum syrupo pap. albi aegrae exhibetur, dolores multum remittunt,

cephalaea, sitis minores evadunt, pulsus minus frequens, magis liber fit, calor cutis magis moderatus evadit, alvus octies liquida evacuatur. 24-a sub usu decocti salep, et vitae regimine antiphlogistico, dolores multum imminuuntur, febris symptomata mitiora evadunt, alvus sexies deponitur. 25. et 26. idem decoctum continuatur, sub cuius usu dolores in tantum imminuuntur, ut tantum ad attactum sentirentur, cutis continuo in moderato sudore constituta est, appetitus cibi redit, febris mitissima observatur, alvus quotidie terna ponitur. 27. ad dolores residuos tollendos, cataplasma emolliens abdomini quater per diem applicari jubetur eo effecti: ut dolores omnes dissiparentur, alvus nulla mota, febris omnis sublata existeret, ideo 28. et sequenti die feminae reconvalescenti victus magis nutriens conceditur, sub cuius, et motus corporis moderati usu, vires pristinae sanitatis recuperatae sunt ita: ut 30. femina sana Clinico valedixerit.

## J u n i u s.

Dies e toto serena nulla, septem nebulis tectae, pluvia 12 cecidit diebus. Tempestat fuit 2-a 14-a 29-a Ventus praedominans fuit NV. Turbo ter.

Maximum Barometri	27 <sup>''</sup> 6 <sup>'''</sup>
Minimum	— 27 <sup>''</sup> 3 <sup>'''</sup>
Maximum Thermometri	+ 22° 4' (28.)
Minimum	— + 5° 7' (1.)

Morborum character inflammatorius et hac mense esse continuabat, sed mitioris gradus, morbus praedominans erat febris intermittens, inflammationes phlegmonasae raras, sed et hae mitioris gradus erant.

Nomen morbi.	Residui a mense Majo	suscepti	sanati	emendati	mortui	remanent
Febris gastrica . . . . .	—	3	5	—	—	—
Febris gastrico catarrhalis	1	2	1	—	—	2
Febris intermittens . . . . .	3	3	6	—	—	—
Pleuroperipneumonia . . . . .	—	2	1	—	—	1
Peritonitis . . . . .	1	1	2	—	—	—
Enteritis . . . . .	1	—	—	—	—	1
Metritis . . . . .	1	1	2	—	—	—
Orchitis . . . . .	—	1	1	—	—	—
Scarlatina . . . . .	—	1	1	—	—	—
Crusta faciei . . . . .	—	1	—	—	—	1
Herpes . . . . .	1	—	—	—	—	1
Hydrops . . . . .	1	—	—	—	—	1
Syphilis . . . . .	1	—	—	—	—	1
Paralysis . . . . .	—	2	—	—	—	2
Summa	10	17	17	—	—	10

## 1) Febris gastrico catarrhalis.

Cath. M. puella habitu bono praedita, annorum 26, Variolas in pueritia, tardius febrim intermittentem, ante duos vero annos febrim biliosam feliciter auxilio Medici suffulta superavit. Catamenia ab anno 15; quo prima vice comparuere, semper regulariter fluxere. — 23-a hujus praegressis pluribus jam diebus appetitu cibi prostrato, corripitur motibus febrilibus cum pressione in ventriculo, nausea ructibus, vomituritione inani; sequentibus diebus morbus mane remittit, vesperi semper exasperandus, alvus est obstipa. 25-a ad medicinam stimulantem eidem propinatam calores sentit majores, cephalaea imprimis affligitur intensa. Hoc in statu 26-a May Clinicum ingreditur, ubi observatur delolatio artuum magna, calor cutis auctus, pulsus normali frequentior, duriusculus, lingua muco albicante tecta; accusat cephalaeam intensam, sitim auctam, appetitum prostratum; nauseam, vomituritionem, doloremque in regione epigastrica; tussis est rara cum sputis paucis; urina colore profundiori tincta, alvus non mota. 27. qua aegra observationi ulteriori sine medicina relinquitur; status idem continuat, aucto dolore premente sub sterno, profunda inspiratione, tussi nunc frequentius comparente magis intendendo, sputa serosa majori quantitate secernuntur, urina coloris profundioris visa, ideo 28-a hirudines 12 ad regionem sternalem pectori apponi jubentur, et praeter vitae regimen antiphlogisticum, interne decoctum hordei cum oxym. simp. ordinatur, dolore remisso, tussis tota die perdurat, sputis iisdem stipata, febris exacerbatio vesperi sat notabilis, alvus in quartum diem obstipa, exhibentur ob haec 29-a in decocto graminis sulfatis lixivae, et extract. liquiritiae aa. drach. duae, alvus tamen nulla movetur; ructus, vomitu-

ritio perdurat, imo vomitus ipse biliosus semel ante meridiem sequitur, vesperi exacerbatio febrilis major, urina coloris profundioris, tussis rara. 30-a saburra manifesta in ventriculo existente, tart. emet. grana tria, in aquae dest. simpl. un. tribus aegrae propinantur, ut inde omni  $1/4$  horae cochl. cibario sumat, donec binus vomitus secutus fuerit. Absumptis dosibus sex, vomitus ternus sequitur biliosus, cum imminutione insigni symptomatum, tussis rara auditur, alvus quinquies liquida deponitur, vesperi febris mitior, sitis tamen magna; noctu accedit deglutitio dolorifica rubore faucium juncta, ideo 31-a praeter decoctum salep interne propinatum; gargarisma ex aqua tepida et roob mororum constans aegrae commendatur, quater per diem adhibendum. Rubor et dolor faucium minor, ast vertigo se sub situ erecto insinuat, appetitus cibi melior, sitis normalis, tussis rara, febris vesperi mitissima alvus clausa, urina profundius tincta. 1-a Junii decoctum hordei cum oxym. simpl. ordinatur, gargarisma continuatur, dolor ruborque faucium disparet, appetitus bonus, sed vesperi exacerbatio major redit febrilis, sapor oris fit amarus, alvus nulla secuta, urina jumentosa. 2-a purgans de 29. May aegrae porrigitur, alvus sequitur terna cum aliquo levamine, sapor oris amarus, appetitus prostratus perdurant, lingua mucro flavicante tecta observatur, tussis rara, 3-a aegra sine medicina observationi relinquitur. Redeunt ructus et vomituriatio, ceteris perdurantibus, alvus bina, urina sedimento puriformi instructa. 4-a mane vomitus mucosus sequitur, datur aegrae in decocto althaeae, spir. vitrioli drach. semis, cum syrup. rubi idaci un. semis. Post meridiem anxietas redit, calor cutis augetur, pulsus fit frequentior, tussis quoque, sputa plura, dolorem sub sterno dum tussit percipitur, caput temulentum accusatur, alvus nulla. 5-a ob haec in emulsione amygdalarum dulcium camph. gr. unum ordinatur, ad revulsionem autem a pectore

faciendam empl. cantharidum apponitur regioni sternali, pro cibo jusculum vinaceum conceditur. Capitis gravedo minor, tussis rarior, dolor pectoris disparet, febris vesperi minor, alvus bina. 6-a camphorae dosis ad gr. semis inminuitur. Vertigo perstat, tussis rara, motus febriles mites, 7-a li-  
 quoris anod. min. Hoff. cum tinc cort. aurant. aa. drach. una ordinatur, ut omni trihorio sex guttae in aqua sumantur, diaeta aucta. Vertigo capitis minor, appetitus autem melior, et tussis rara, motus febriles nulli, alvus terna, urina citrina, sub situ erecto vomitus semel sequitur. 8-a idem medicamen ad gut. octo porrigitur: Emendatio continuat, tussis rara, lassitudo corporis magna, vesperi aegra surgens vomit, ideo 9-a praeter guttas continuandas, et spiritus aromaticus ordinatur, ut sibi bis per diem abdomen inungat. Emendatio insigni aegrae accedit, tussis rara, sputa pauca, 10-a 11-a sub therapia eadem vires corporis magis redeunt, ast refrigerio admissio, tussis recrudescit cum sputi copiosis, ad quam tollendam 12-a extract. hyosciami ad gran. duo, cum saccharo in quatuor dosibus aegrae ordinatur, sub cuius usu et 13-a continuato, redditur tussis mitior, sputis paucioribus comitata, ut tamen eo citius tollatur 14-a 15-a ad grana tria idem extractum aegrae exhibetur, et cum tussis nondum cessaret, ut ut minueretur, idem extractum ad gran. quatuor sumit aegra 16-a usque 19-am; sub cuius et diaetae roborantis usu, tussis omnis cessavit, vires musculares in tantum rediere, ut aegra 22-a qua sana Clinico valedixerit.

## 2) Peritonitis in puerpera.

Cath. K. habitus tenerioris, annorum 17, ancilla caelebs, vaccinata, varicellae, miliaria, et vermes intestinales in pueritia feliciter autocratia na-

turae superavit. Catamenia ab anno aetatis 14. fluunt, sed abnormiter ita : ut uno alterove mense silerent, sponte rursus comparitura, graviditate feliciter exacta, sexta ab hinc septimana prolem gignit matu-  
 ram facile, quam ipsa non lactat, fluxus lochiorum ad morbum praesentem perdurat. 28-a May anni currentis admissio refrigerio sentit dolorem pungentem in regione pubis, umbilicali, ac lumbali dextra continuum fixum, attactu vel levi augendum, adsunt simul motus febriles, serius accedit tussis rara sputis mucosis juncta, et alvus liquida. Hoc in statu suscipitur in Clinicum 1-a Junii ubi accusat dedolationem artuum magnam, cephalaeam, sitim auctam, appetitum prostratum, et dolorem supra dictum perstantem; lingua est muco albicante tecta, calor cutis auctus, pulsus normali frequentior subdurus, alvus terna evacuatur, urina colore profundiore tincta visa. 2-a hirudines 12 abdomini apponi jubentur, interne decoctum salep cum syrupo pap. albi ordinatur, diaeta tenuis. Haemorrhagia per horam sustentata dolores multum remittunt, tussis rarior evadit, symptomata febrilia parum inminuuntur, appetitus prostratus persistit, alvus terna sequitur, urina aurantiaco colore tincta. 3-a calor siccus ope linteorum applicatur, decocto eodem repetito. Dolores abdominis per vices redeunt, febrilia signa uti heri perdurant, alvus quinque liquida, urina aurantiaca. 4-a eadem therapia continuata febris symptomata eodem gradu continuant, dolores per vices abdomen infestant, tussis rara, alvus bina, urina profundius tincta, fluxus lochiorum continuat. 5-a sub eadem therapia status hesternus perdurat, comparet tamen sudor largus, fluxus lochiorum una cum tussi continuat, alvus bina, urina sedimento puriformi instructa. 6-ta eidem therapiae insistitur, sub qua sudor moderatus continuat, lingua magis depuratur, appetitus melior evadit, pulsus minus frequens, minus durus, calor cutis minor.



tangitur, dolor per vices solum recurrit, tussis continuat una cum fluxu lochiorum, alvus bina movetur; urina sedimento mucoso instructa. 7-a ob nauseam a priori medicina, pulveris gummi arab. drach. una in aquae dest. simpl. unc. sex soluti, cum sach. albi un. semis substituitur, sub qua medicina emendatio insignis aegrae accedit, sudor noctu largus, alvus terna, urina colore profundiori tincta, fluxus lochiorum continuat. 8-a sub eadem therapia signa morbi disparent, praeter fluxum lochiorum adhuc largum, alvum diarrhoicam, urinam profundiori colore tinctam, ideo 9-a scopo antagonistico pulv. rad. ipecacuanhae gran. unum cum sacharo albo in quatuor dosibus exhibetur, sub cujus usu alvus una evacuatur, urina aurantiaca, fluxu lochiorum eodem existente. 10—11. et 12. sub eadem therapia alvus normalis evacuatur, fluxus lochiorum sensim penitus cessat, urina fit coloris straminei, sed e refrigerio admissio tussis rara accedit, cum sputis mucosis, 13-a sine medicina relinquitur, ast tussis augetur, ideo 14-a extractum hyosicami ad grana duo pro nyct. cum sach. albo in quatuor dosibus aegrae exhibetur, diaeta quoque blande nutriente concessa, therapia hac et 15 continuata tussis omnis cessat, et functionibus sic ad normam restitutis 16. puella sana discedit.

## J u l i u s .

Atmosfera toto hoc mense calida observata fuit, serena e toto dies nulla observata, pluvia 7-em cecidit diebus; pluvia cum tempestate quater, venti intensi quatuor diebus flabant, dominans erat Nn.

Maximum Barometri	27'' 6'''	(22)
Minimum	- 27'' 0'''	(10)
Maximum Thermometri	24 R.	(28)
Minimum	- 10 R.	(21)

Character morborum mitior inflammatorius continuabat et hoc mense, febres tamen intermittentes tonge rariores observatae sunt, in quorum vicem febres gastrico biliosae characterem mitiori inflammatorio praeditae caput extollerunt, ipsae inflammationes mitem naturam praeseferebant.

---

Nomen morbi.	Residui e mense Junio	suscepti	sanati	emendati	mortui
Febris gastrica . . . . .	—	3	3	—	—
Febris gast. cum lientide	—	1	1	—	—
Febris gast. rheumatica	2	1	1	—	—
Febris gast. catarrhalis .	—	2	4	—	—
Febris rheumatica . . . . .	—	2	2	—	—
Febris intermittens . . . . .	1	1	1	—	—
Pleuroperipneumonia . . . . .	—	—	1	—	—
Peripneumonia catarrhalis	1	1	1	—	—
Enteritis . . . . .	1	—	1	—	—
Crusta faciei . . . . .	1	—	1	—	—
Herpes . . . . .	1	—	—	1	—
Syphilis . . . . .	1	—	—	1	—
Hydrops . . . . .	1	—	—	—	1
Paraësis . . . . .	2	—	—	2	—
Summa	10	11	16	4	1

## 1.) P a r a e s i s .

Joannes S. vir robustus annorum 42, nec vacci-  
 natum, nec variolas perpeſsum ſe fuiſſe meminit,  
 tineam capitis, febrim nervoſam in pueritia bis,  
 febrim bilioſam, ſyphilidem topicam perpeſ-  
 ſus eſt, ſemper auxilio medico priſtinae valetudini  
 reſtitutus. Anno aetatis 30. infarctu hepatis ictero  
 juncto corripitur, a quibus moleſtiis nonniſi ante  
 duos annos liberatus e toto exſtitit; cephalaea a  
 quinque annis jam mitiori, jam intensiori laborat,  
 mense Julio anni 1828. acceſſit morbo ſpasmus mu-  
 ſculi orbicularis oris tonico chlonicus, hoc tamen  
 purgantibus, et antiphlogiſticis remediis ſublato,  
 mense Januario a. c. cephalaea reddita intensa, ve-  
 nae ſeſione, et purgantibus mitigata, 16. May ſpas-  
 mo primo extremitatum inferiorum, dein abdomi-  
 nis, ac demum extremitatum ſuperiorum affligitur,  
 frictione ſola ſublatis, 11-a Junii recurrit cephalaea  
 fomento domoſtico mitigata, 15-a comparet imbe-  
 cillitas extremitatum lateris dextri ita: ut aegre tan-  
 tum ambulare quiverit. 16-a motus earum ita fit im-  
 peditus, ut aegro ſolum motus quiſpiam conſeſſus  
 ſit, ambulatione penitus denegata, e conſilio chi-  
 rurgi contra alvum habitualiter obſtipam adhibet  
 aquam ſcheidſchützensenſem, alvum evacuat ſine mor-  
 bi levamine, imo cephalaea ultro in aegrum ſaevit.  
 ideo 17-a emplas. cantharidum nuchae applicatur,  
 infuſum ex hederâ terreſtri, arnica, et ſaponaria,  
 tum pilulae ex aſſa foetida, aloë ſuccotrina, zingi-  
 bere, et elixirio proprietatis acida conſtantes ab ae-  
 gro ſumuntur ſine levamine, imo accedit impoten-  
 tia linguam movendi, tonos articulatos diſtinctos  
 proferendi; ideo 20-a venae ſectio in brachio ſini-  
 tro ad un-ſex ſine levamine inſtituitur, imo com-  
 parent veſperi convulſiones lateris ſiniſtri. Hoc in  
 ſtatu aeger 21. Junii in Clinicum ſuſcipitur ubi ob-  
 ſervare licuit virum robustum tonos articulatos in-

distinctos proferre, linguam versus dextrum latus  
 detorqueri; quam exporrigere potest, manus diffi-  
 culter, extremitatem inferiorem dextram vix movere  
 valuit, imprimis vero illam levare eidem denegatur,  
 alvus habet habitualiter obstructam, urina colore  
 profundiori tincta visa, febris nulla. 22-a in deco-  
 cto taraxaci arcan dupl. et extracti liquiritiae aa.  
 drach. duae propinantur, absumpta medicina tota,  
 alvus una sequitur, symptomata reliqua in eodem  
 statu perdurant. Vesperi surgere tentans corripitur  
 convulsionibus extremitatum lateris sinistri, brevi  
 tamen disparentibus, nox pacata. 23-a in decocto  
 hordie nitrum ad drach. unam cum oxymelle sim-  
 plici aegro porrigitur, diaeta tenui tantum concessa,  
 quiete summa commendata. Status idem fere perdu-  
 rat, linguam tamen facilius porrigere, et voces ma-  
 gis distinctos proferre valet, alvus nulla sequitur.  
 24-a scopo congestionem sanguinis ab encephalo et  
 medulla spinali revellendi calomelis grana duo di-  
 gitalis purp. gran. unum pro die cum extract. li-  
 quirit in pilulis quatuor aegro exhibentur, externe  
 vero ungu. althaeae cum ungu. hydrargiri cinereo bis  
 per diem secundum longitudinem spinae dorsi in-  
 ungi jubetur. Sub usu horum usque 27-am conti-  
 nuato, convulsionibus nullae comparent, cephalaea in-  
 minuitur, loquela magis expedita fit, motus extre-  
 mitatum facilius redditur, nec tamen femur dex-  
 trum levare valet, alvus sequitur libera, urina ad-  
 huc profundius tincta observatur. 28-a usui pilula-  
 rum decoctum arnicae e flor. drach. una paratum  
 additur, sub usu horum usque 1-am Julii continua-  
 to incessus in dies fit facilius, vox magis expedita,  
 cephalaea minor, lateris sinistri extremitates minus  
 sensiles, quasi pastaceas esse dicit, manu tamen si-  
 nistra comedere, et digitos in unum nodum compo-  
 nere valet, quod manu dextra efficere non potest;  
 alvus est libera, urina profundius tincta, sedimen-  
 to puriformi instructa. 2-a decoctum idem e drach

duabus paratum aegro exhibetur, usu pilularum seposito, externae ungu. antimoniale secundum longitudinem spinae dorsi bis per diem inungitur, et frictio setaceo molli bis per diem instituenda ordinatur, his usque 3-iam continuatis symptomata morbi parum inminuuntur. 4-ta pustulis productis unguentum seponitur, reliquis continuatis. Motus lateris dextri liberior evadit, in brachio vero et manu sinistra tensio dolorifica sentitur, secus status idem. 5-a 6-ta eadem continuantur 7-a balneum electricum in usum vocatur, cui aeger per  $1\frac{1}{4}$  horae insidet, reliquis continuatis. Adhibentur haec usque 10-am eo effectum: ut statu lateris dextri aliquantum emendato, is lateris sinistri idem perduraret. 11-a ob nauseam erga decoctum datur aegro; pul. rad: arnicae et extr. ejus ad gran. quindecim pro die forma pilulari in quatuor dosibus, reliquis continuatis. Continuat emendatio in latere dextro, perstat status lateris sinistri, ideo 13-a oleum hyosc coctum pro inunctione extremitatis sinistrae ordinatur, reliqua continuantur. Motus lateris dextri semper facilius, tensio dolorifica lateris sinistri prima die inunctionis minor, dein iterum rediit, accedit tensio dolorifica in lumbis, humeri quoad altitudinem magis aequabiles, qui prius in aequales aliquantum erant, alvus obstipa, ideo 16. pilulae ex aloe et extract cent. min. aa. gran. quatuor curantur fieri numero quatuor, ut inde aeger sumat dum alvum non habet vesperi unam, et si alvus non sequeretur, mane alteram, simul hoc die usus balnei vaporis aucto caloris gradu ad 32 R. factus est, electricitas, frictio sepositae. Post usum balnei sudor largus universalis sequitur cum levamine magno tensionis dolorificae brachii sinistri, ast insinuat se major gravedo antibrachii, et motus ejus difficilius, alvus una. Sub usu balnei, tum electricitatis ac frictionis alternis diebus, usu arnicae continuato observantur dolores brachii et manus sinistrae, et

tensio regionis lumbalis ejusdem lateris jam exasperari, alias imprimis post balneum vaporis inminui, motu lateris dextri multum emendato 23-a usus arnicae seponitur, solum balneum vaporis adhibetur cum aliqua inminutione dolorum. 24-a scopo antagonistico empl. cantharidum ad regionem originis dolorum applicatur, electricitate et frictione continuatis, dolores ab emplastro contharidum excitati, primitivos non adeo percipere faciunt, alvus jam sponte, jam ad usum pilulae aloeticae sequitur, urina sedimento puriformi instructa visa. 25-a aeger sine medicina relinquitur, dolores in extremitate sinistra superiore inminuuntur, dextri lateris status aliquantum emendatur. 26-a ad alvum liberam servandam, tart. emet. gran. semis cum rheo ac extract. tarax. aa. gran. sedecim in pilulas sedecim subigi jubemus ut haec per biduum absumantur, externe vero ad vim vitalem excitandam, tart. emet. scrupulus unus pro dosi pro manuluvio, et lotione brachii ac antibrachii quotidie bis instituendis ordinatur, reliquis sepositis, sub usu horum remediorum die 1-a dolores brachii et manus augentur, sequentibus vero inminuuntur constanter, motus lateris dextri normalis, alvus libera evadit. Hoc instatu aeger die 28-a medicaminibus instructus dimissus est.

## 2.) Febris gastrico catarrhalis rheumatica.

R. T. habitus teneri annorum 29. vaccinata, tumorem colli qui in supurationem transivit, tineam capitis, et morbillos aetate teneriori feliciter exantlavavit. Catamenia anno 14 comparuere semper regulariter fluentia, anno aetatis 20 marito juncta mater plurium prolium quas facile genuit evasit, ultimam 12-a ab hinc hebdomade peperit, quam usque morbi praesentis exordium lactavit. — Rheumatis-

mo extremitatum a sex annis affligitur, periodice cum tempestate humido<sup>!</sup> frigida recurrente. 30. Junii a. c. refrigerio admissio corripitur cephalaea intensa, et doloribus lancinantibus extremitatum inferiorum, accedunt et motus febriles. Sequentibus diebus morbus perdurat, imprimis noctu exacerbandus. 2-a Julii Chirurgus aegrae dat emeticum, ad quod vomitus sexies, et toties alvus liquida sequitur sine levamine, imo debilitate increscente; cephalaeae intensae emplas. canthar. opponitur, mitigatur cephalaea, ast reliquus morbus perdurat, propter debilitatem diebus sequentibus medicina roboranti stimulantibus ordinatur sine effectu, imo tardius et tussis se adsociat cum sputis mucosis: his accedit et dolor regionis umbilicalis ad pressionem augendus, insinuat se quoque susurrus aurium, barycoia, calor molestus, diarrhaea continuante. Hoc in statu aegra in<sup>o</sup> Clinicum 8-a Julii suscipitur, ubi observare licuit debilitatem muscularem magnam, cutis valde sicce calorem auctum, pulsum frequentem, debilem, mollem; caput accusatur grave temulentum; adest susurrus aurium, lingua arida per vices praerubra, sitis intensa, appetitus cibi prostratus, tussis sat frequens, cum sensu pressionis sub strenuo, dolore in regione umbilicali evanido; alvus sub usu decocti salep per noctem nulla, urina exstat coloris profundioris, dolores extremitatum perstant. 9-a decoctum salep cum spirit vitrioli drach. una, et syrup. rubi idaei un. una ordinatur. Aegra hilarior visa, pulsus magis levatus, lingua humida, alvus nulla, urina sedimento puriformi instructa, reliqua in eodem statu perdurant. 10-a decocto eodem repetito sinapismus pectori, et abdomini scopo revellente apponitur. Dolor est exiguus, cephalaea minor, tussis cum sputis rarior, lingua humida, appetitus cibi prostratus, sitis magna, susurrus aurium perdurat, dolores extremitatum minores, pulsus est adhuc frequens, alvus una,



urina uti heri. 11-a spirit. vitrioli ad drach. unam et semis aegrae datur, simul scopo vires langventes erigendi, sulfas chinini ad gran. tria cum pulv. cort. cass. lignae gr. sex ac sacch. albi in dosibus sex per diem aegrae exhibetur. Aspectus aegrae est hilarior, caput minus grave, lingua humida, susurrus aurium evanescit, pulsus est minus frequens, ast tussis aegram molestat magis cum sensu ponderis in pectore, sputa sunt copiosa, mucoso glutinosa, alvus bina, urina sedimento puriformi instructa. 12-a sub therapia eadem continuata, tussis fit frequentior sicca, dolor in pectore sub tussi perstans, cetera symptomata morbi inminuta sunt, dolores pedum dispersi, alvus bina, urina sedimento puriformi instructa. 13-a camph. ac sulf. aurat. ant. aa. gran. semis pro die cum sach. albo in sex dosibus aegrae datur, decocto salep repetito, diaeta ad  $1\frac{1}{4}$  elevatur. Tussis est rarior, dolor sub sterno perstans, sputa sanguine tincta, alvus bina, urina eadem. 14-a sub therapia hesternae tussis quidem rara, sed adhuc vehemens est, sputa pauciora, dolor pectoris perdurans, in trunco miliaria comparent, alvus bina liquida, urina ut heri. 15-a et 16-a sub therapia eadem tussis eodem tenore perstat, sputa pauca, sudor moderatus corpus reficit, alvus bina diarrhoeica debilitans deponitur, dolor sub sterno perdurat, urina sedimento puriformi instructa, miliaria perstantia. 17-a ad diarrhoeam a debilitate tubi intestinalis dependentem sufferendam, praeter pulv. continuandos, decoctum lichenis island. e drach. duabus paratum cum syr. pap. albi aegrae datur. Tussis eadem, debilitas corporis minor accusatur, alvus una subsequitur, urina sedimento puriformi instructa visa. 18-a therapia eadem continuata tussis eadem perstat sicca, alvus una sequitur, urina sedimento descripto instructa visa. 19-a ob tussim praesentem, seposito usu pulverum, ad decoct. lich. island. extrac. hyosciami ad gr. duo additur. Sub horum usu

et 20-a continuato tussis fit mitior, sputis paucioribus nexa, habitus aegri fit melior, alvus una evacuatur, urinae conditio perstans. 21. extract. hyosciami ad gran. tria augetur, et simul jus vinaceum conceditur. Augetur tussis, noctem totam impacatam reddens, in reliquo emendatio continuat. 22-a usus juris vinacei seponitur, medicina altera continuata. Tussis remittit, sputa pauciora observantur, alvus una sequitur, urina sedimento puriformi instructa visa. 23-a extract. hyosciami [ad gr. quatuor augetur, et eodem scopo unq. althaeae cum unq. hyosciami mixtum regioni sternali bis per diem inungi jubetur, ad magnitudinem nucis juglandis regiae unq. sumendo; tussis sicca perstat, sputa pauca glutinosa, alvus una normalis, urina sedimento puriformi instructa, 24-a idem extract. ad gran. sex aegrae propinatur, et unq. auterithii pectori inungi jubetur. Tussis est rarior, sputa pauca glutinosa, alvus normalis, debilitas tamen muscularis adhuc major, ideo 26-ta cum lych. island. et chinae fuscae drach. duae decoquuntur, reliquis continuatis, sub horum usu pustulae copiosae producuntur, sub quorum proruptione tussis inminuitur, vires musculares redeunt. 27-a 28-a 29-a 30-a seposito unq. medicina interna continuatur eo effectus: ut cessante omni morbo 31-a sanitati relativae restituta dimissa fuerit.

---

# T h e s e s .

1.

Processus chemicus in internis organismi non existit:

2.

Igitur nec actio remediorum chemica admitti potest.

3.

Fluida organismi vivi solidis haud minori gaudent vitalitate.

4.

Nullum contagium in solam cutem agit.

5.

Hepar non soli secretioni, sed et assimilationi praestet.

6.

Mutationes atmosphaerae relate ad miscionem et temperaturae gradum, magnos influxus exerunt in organismum vivum.

7.

Medicus unilateralis, unilateralem quoque tantum scientiam habet.

8.

Est amaurosis quae antiphlogisticis sanatur.

9.

In inflammationibus intensis cura expectativa non est commendanda.

10.

Donec vires naturae ad partum perficiendum sufficiunt, ars omnis et instrumenta omnia vitentur necesse est.

11.

Anatomiae comparativae utilitas in medicina magna est.

12.

Arthritis non in omnibus hominibus eadem, nec in omnibus iisdem tollitur pharmacis.

---